

গণপ্রজাতন্ত্রী বাংলাদেশ সরকার
রোগতত্ত্ব, রোগনিয়ন্ত্রণ ও গবেষণা ইনস্টিটিউট (আইইডিসিআর)

COVID-19 নিয়ন্ত্রণ কক্ষ, স্বাস্থ্য অধিদপ্তর

মহাখালী, ঢাকা ১২১২

টেলিফোনঃ ৯৮৪০৩৭৬, ৯৮৯৮৭৯৬, ৯৮৯৮৬৯১ ফ্যাক্সঃ ৯৮৮০৪৪০

ই-মেইলঃ info@iedcr.gov.bd; ncov@iedcr.gov.bd ওয়েবসাইটঃ www.iedcr.gov.bd

১১ মার্চ ২০২০ইং

সংবাদ বিজ্ঞপ্তি

ন্যাশনাল টেকনিক্যাল কমিটির সভা অনুষ্ঠিত

আজ স্বাস্থ্য অধিদপ্তরে স্বাস্থ্যসেবা মহাপরিচালক প্রফেসর ডা. আবুল কালাম আজাদের সভাপতিত্বে কোভিড-১৯ নিয়ন্ত্রণে গঠিত ন্যাশনাল টেকনিক্যাল কমিটির সভা অনুষ্ঠিত হয়েছে।

১০টি স্ক্যানার আন্তর্জাতিক বন্দরগুলোতে স্থাপিত হবে

আন্তর্জাতিক বিমান-সমুদ্র-স্থলবন্দরে কয়েকটি স্থানে স্থাপনের জন্য বাংলাদেশ সরকার ৫টি স্ক্যানার ক্রয় করেছে। এ ছাড়াও সামিট গ্রুপ ৫টি স্ক্যানার ক্রয় করে স্বাস্থ্য মন্ত্রণালয়কে আগামীকাল হস্তান্তর করবে।

বিশ্ব ব্যাংকের সাথে বৈঠক

কোভিড-১৯ নিয়ন্ত্রণে সহযোগিতার ক্ষেত্রগুলো চিহ্নিত করা ও সহযোগিতার পদ্ধতি নিয়ে আলোচনার জন্য আজ বিশ্ব ব্যাংক প্রতিনিধিদলের সাথে স্বাস্থ্য মন্ত্রণালয়ের প্রতিনিধিদেও সাথে বৈঠক অনুষ্ঠিত হয়।

বিশ্ব স্বাস্থ্য সংস্থার বাংলাদেশস্থ প্রতিনিধির সাথে বৈঠক

আজ আইইডিসিআর পরিচালকের কার্যালয়ে বিশ্ব স্বাস্থ্য সংস্থার বাংলাদেশস্থ প্রতিনিধি ডা. বর্ধন জং রানা, পররাষ্ট্র মন্ত্রণালয়ের অতিরিক্ত সচিব ডা. খলিলুর রহমান, আইইডিসিআর পরিচালক প্রফেসর ডা. মীরজাদী সেব্রিনা ফ্লোরা ও অন্যান্য সংশ্লিষ্ট বর্মকর্তাবৃন্দ এক বৈঠকে মিলিত হন। কোভিড-১৯ সংক্রমণের বর্তমান পর্যায়ে বিদেশী নাগরিকদের ট্রাভেল এডভাইজরি, অন-অ্যারাভাইল ভিসা ইত্যাদি বিষয়ে আলোচনা হয়।

আগামীকাল সাংবাদিক সম্মেলন হবে স্বাস্থ্য মন্ত্রণালয়ে

আগামীকাল ১২ মার্চ ২০২০ কোভিড-১৯ নিয়ন্ত্রণ কক্ষের নিয়মিত সাংবাদিক সম্মেলন মাননীয় স্বাস্থ্য মন্ত্রীর উপস্থিতিতে স্বাস্থ্য ও পরিবার কল্যাণ মন্ত্রণালয়ের সম্মেলন কক্ষে দুপুর ১২টায় অনুষ্ঠিত হবে।

সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ দুপুর ১২টায় আইইডিসিআর মিলনায়তনে COVID-19 সংক্রমণের নানা দিক, বাংলাদেশ ও বিশ্ব পরিস্থিতি তুলে ধরেন আইইডিসিআর এর পরিচালক প্রফেসর ডাঃ মীরজাদী সেব্রিনা ফ্লোরা।

বাংলাদেশের ৩ জন করোনা ভাইরাস রোগী পরিস্থিতি

হাসপাতালে চিকিৎসাধীন ৩ জন কোভিড-১৯ আক্রান্ত ব্যক্তির মধ্যে ২ জন সুস্থ হয়ে উঠছেন। তবে পর পর দু'টি পরীক্ষায় কোভিড-১৯ পাওয়া না গেলে তাদেরকে পুরোপুরি সুস্থ বলে গণ্য করা হবে এবং তারা হাসাপাতাল থেকে ছাড়া পাবেন। এদের সংস্পর্শে আশা ব্যক্তিগণ কোয়ারেন্টিনে ভাল আছেন।

কোভিড-১৯ আক্রান্ত সন্দেহে থাকা ব্যক্তিদের জ্ঞাতব্য

যে সব দেশে কোভিড-১৯এর স্থানীয় সংক্রমণ ঘটেছে সে সব দেশ থেকে যে সব যাত্রী আসবেন (দেশী-বিদেশী যে কোনো নাগরিক) তাদেরকে ১৪ দিন স্বেচ্ছা/ গৃহ কোয়ারেন্টিন-এ থাকার অনুরোধ জানাচ্ছি। তাদের কারো মধ্যে যদি কোভিড-১৯এর লক্ষণ দেখা যায় তবে অন্য কোথাও না যেয়ে প্রথমেই আইইডিসিআর-এর হটলাইনে যোগাযোগ করার অনুরোধ করা হল।

পৃথিবীর দুই-তৃতীয়াংশ দেশে স্থানীয় সংক্রমণ ঘটেছে। তাই যে দেশে আছেন যেখানে আছেন সেখানেই অবস্থান করাই উত্তম। কারণ আরোহন, ট্রানজিট ও অবতরণের বিমান বন্দরসমূহের টার্মিনাল এবং বিমানের ভেতরে যে কোন যাত্রী/ ক্রু কোভিড-১৯ সংক্রমিত যাত্রী/ ক্রু দ্বারা সংক্রমিত হতে পারেন। সংক্রমিত যাত্রী/ ক্রু যে দেশে অবতরণ করবেন সে দেশে কোভিড-১৯ সংক্রমণ ছড়িয়ে পড়তে পারে, প্রথমেই সংক্রমণ ছড়াতে পারে আপনার পরিবারের সদস্যদের মাঝে। নিজেকে ও প্রিয়জনদের অতি সহজেই আপনি এ সংক্রমণ থেকে মুক্ত রাখতে পারেন। তাই অত্যাবশ্যকীয় নয় এমন আন্তর্জাতিক ভ্রমণকে নিরুৎসাহিত করা হচ্ছে।

প্রবাসী বাংলাদেশীদের স্বাস্থ্য পরিস্থিতি

সিঙ্গাপুর, আরব আমিরাতে, ইটালি ছাড়া অন্যান্য কোন দেশে এখনো পর্যন্ত কোনো প্রবাসী বাংলাদেশী কোভিড-১৯ আক্রান্ত হন নি। সিঙ্গাপুরে আইসিইউতে চিকিৎসাধীন বাংলাদেশী রোগীর অবস্থার উন্নতি হয় নি, আরেকজন প্রবাসী বাংলাদেশী হাসপাতালে চিকিৎসাধীন আছেন। দিল্লীতে উহান থেকে আগত ২৩ জন বাংলাদেশী নাগরিক দিল্লী শহর থেকে ৪০ মাইল দূরে একটি কোয়ারেন্টিনে আছেন। আমরা পররাষ্ট্র মন্ত্রণালয় ও বাংলাদেশ দূতাবাসের সাথে সার্বক্ষণিক যোগাযোগ রাখছি।

হটলাইনের সংখ্যা বেড়ে এখন ১৩টি

বাংলাদেশে কোভিড-১৯ পরিস্থিতি ১ থেকে ৩ এ উন্নীত হওয়ায় হটলাইনের সংখ্যা ৪টি থেকে বাড়িয়ে ১৩টি করা হয়েছে। স্বাস্থ্য অধিদপ্তরের স্বাস্থ্য বাতায়নের হটলাইন নম্বরঃ ১৬২৬৩ আইইডিসিআর-এর হটলাইনের নম্বরঃ ০১৪০১১৮৪৫৫১, ০১৪০১১৮৪৫৫৪, ০১৪০১১৮৪৫৫৫, ০১৪০১১৮৪৫৫৬, ০১৪০১১৮৪৫৫৯, ০১৪০১১৮৪৫৬০, ০১৪০১১৮৪৫৬৩, ০১৪০১১৮৪৫৬৮, ০১৯২৭৭১১৭৮৪, ০১৯২৭৭১১৭৮৫, ০১৯৩৭০০০১১, ০১৯৩৭১১০০১১

গণমাধ্যমের প্রতি অনুরোধ

আমরা উদ্বেগের সাথে লক্ষ্য করছি যে, কোনো কোনো গণমাধ্যমে কোয়ারেন্টিনে থাকা ব্যক্তিদের পরিচয় প্রকাশের ঝুঁকি আছে এমনভাবে তাদের অবস্থান প্রকাশ করা হচ্ছে। তাদেরকে প্রকাশ্যে পুলিশ পাহারা দেবার মাধ্যমেও তাদের পরিচয় প্রকাশের ঝুঁকি তৈরী হচ্ছে। আমরা সারা বাংলাদেশে মোট কতজন কোয়ারেন্টিনে এবং আইসোলেশনে আছেন তার সংখ্যা প্রকাশ করছি। রোগ প্রাদুর্ভাবের বর্তমান পর্যায়ে জেলা বা উপজেলাভিত্তিক সংখ্যা প্রকাশ করার প্রয়োজন নেই। পুলিশ প্রশাসনকে অনুরোধ করবো, গৃহ/স্বেচ্ছা কোয়ারেন্টিনে কারো নিরাপত্তা দেবার প্রয়োজন হলে আইইডিসিআর কর্তৃপক্ষের সাথে যোগাযোগ করে পরামর্শ গ্রহণ করুন।

বাংলাদেশ পরিস্থিতি

স্বাস্থ্য অধিদপ্তরের রোগ নিয়ন্ত্রণ শাখার পরিচালনায় আন্তর্জাতিক বিমান বন্দরসমূহ, সমুদ্র বন্দরসমূহ, স্থল বন্দরসমূহে বিদেশ থেকে আগত সকল যাত্রীর তাপমাত্রা পরীক্ষা করা হচ্ছে।

COVID-19 সংক্রান্ত সর্বশেষ পরিস্থিতিঃ (ক্রিনিংকৃত যাত্রীর সংখ্যা) (১১ মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট ক্রিনিংকৃত যাত্রীর সংখ্যা	১২০২৭	৫৫২৭৪৬
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত ক্রিনিংকৃত যাত্রীর সংখ্যা*	৬১৮১	২৮১২২৫
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) ক্রিনিংকৃত যাত্রীর সংখ্যা	২২৮	৬৩০৮
ঢাকা ক্যান্টনমেন্ট ও বেনাপোল রেলওয়ে স্টেশনে ক্রিনিংকৃত যাত্রীর সংখ্যা	১৪৬	৬২৩১
অন্যান্য চালু স্থলবন্দরগুলোতে ক্রিনিংকৃত যাত্রীর সংখ্যা	৫৪৭২	২৫৮৯৮২

* গত ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে ক্রিনিং করা হচ্ছে।

** কোনো কোনো বন্দর থেকে প্রতিবেদন সময় মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

আইইডিসিআর হটলাইনে প্রতিদিন কোভিড-১৯ বিষয়ে মানুষের জিজ্ঞাসার জবাব দেয়া হয়। ভাইরোলজি ল্যাবরেটরিতে কোভিড-১৯ আক্রান্ত সন্দেহে নমুনা পরীক্ষা করা হচ্ছে।

COVID-19 সংক্রান্ত সর্বশেষ পরিস্থিতিঃ (১১ মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোট কলের সংখ্যা	৪১১৮	১৫০৫৩
আইইডিসিআর হটলাইনে COVID-19 সংক্রান্ত মোট কলের সংখ্যা	৩৯৮১	১৩৬৪৯
আইইডিসিআরএ আগত COVID-19 সংক্রান্ত মোট সেবাগ্রহীতার সংখ্যা	১২	২৬১
COVID-19 পরীক্ষা করা মোট নমুনার সংখ্যা	১০	১৪৭
COVID-19 আক্রান্ত হয়েছেন এমন সন্দেহে বিভিন্ন হাসপাতালে অন্ততঃ ল্যাবরেটরি পরীক্ষা পর্যন্ত আইসোলেশনে আছেন তাদের সংখ্যা	১০	-
বিদেশে COVID-19 আক্রান্ত দেশ থেকে আগত যাত্রী যারা প্রাতিষ্ঠানিক কোয়ারেন্টিনে আছেন তাদের সংখ্যা	৪	-
নিশ্চিতকৃত COVID-19 সংক্রমিত ব্যক্তিদের মোট সংখ্যা	০	৩

COVID-19 সম্পর্কে কোন জিজ্ঞাস্য থাকলে স্বাস্থ্য অধিদপ্তরের স্বাস্থ্য বাতায়নে ১৬২৬৩ এবং আইইডিসিআর-এর হটলাইন নম্বরে যোগাযোগ করুনঃ

০১৪০১১৮৪৫৫১, ০১৪০১১৮৪৫৫৪, ০১৪০১১৮৪৫৫৫, ০১৪০১১৮৪৫৫৬, ০১৪০১১৮৪৫৫৯,
০১৪০১১৮৪৫৬০, ০১৪০১১৮৪৫৬৩, ০১৪০১১৮৪৫৬৮, ০১৯২৭৭১১৭৮৪, ০১৯২৭৭১১৭৮৫,
০১৯৩৭০০০০১১, ০১৯৩৭১১০০১১

কোভিড-১৯ সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ডযাবৎ)
- অপরিষ্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- কারো সাথে হাত মেলানো (হ্যান্ড শেক), কোলাকুলি থেকে বিরত থাকুন
- জরুরী প্রয়োজন ব্যতীত বিদেশ ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন
- অত্যাৱশ্যকীয় নয় এমন সব জাতীয়-আন্তর্জাতিক সভা-সমাবেশ-সম্মেলন আয়োজন না করাই ভাল
- অতি বয়স্ক, দীর্ঘমেয়াদী অসুস্থতায় (ডায়াবেটিস, উচ্চ রক্তচাপ, হৃদরোগ, অ্যাজমা, কিডনী সমস্যা, ক্যান্সার প্রভৃতি) ভুগছেন এমন ব্যক্তিগণ ভীড় এড়িয়ে চলুন

স্বা/ =

অধ্যাপক ডাঃ মীরজাদী সেব্রিনা ফ্লোরা

পরিচালক

ফোন নম্বরঃ ০২-৯৮৪২২৭০